



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

22 MEI 2021 (SABTU)



KERATAN AKHBAR DAN MEDIA ONLINE (KPDNHEP)

22 MEI 2021 (SABTU)

Shopee bantu peniaga ke arah digital

PETALING JAYA: Lebih 100,000 perusahaan mikro, kecil dan sederhana (MSME) tempatan telah dibantu untuk ke arah digital sejak Perintah Kawalan Pergerakan (PKP) tahun lalu, melalui kerjasama antara Shopee dengan pelbagai kementerian, agensi kerajaan, persatuan serta kerajaan negeri.

Kerjasama strategik ini dijalankan berdasarkan matlamat untuk membantu pemulihan komuniti perniagaan, terutamanya MSME tempatan dan peniaga-peniaga kecil, setelah mereka terjejas akibat wabak Covid-19.

Pengarah Urusan Serantau Shopee, Ian Ho berkata, hasil kolaborasi yang bermanfaat ini menunjukkan kerjasama antara sektor awam dengan entiti swasta seperti Shopee boleh membawakan kesan dan impak yang ketara kepada ekonomi digital Malaysia.



MENTERI Perdagangan Dalam Negeri dan Hal Ehwal Pengguna, Datuk Alexander Nanta Linggi (dua kanan) melancarkan portal beli-belah Shopee, tahun lalu.

Ujarnya, dengan menggabungkan maklumat yang relevan dan dana untuk penjual dari rakan kongsi, disertakan dengan rangkaian perkhidmatan dan ciri

bersepadu seperti logistik, pembayaran, aliran Shopee Live dan kursus percuma Shopee University, pihaknya dapat membantu MSME tempatan menjana pen-

dapatan alternatif demi menyokong kehidupan mereka.

"Namun, usaha-usaha ini harus diteruskan untuk membawa impak yang lebih hebat. Walaupun wabak Covid-19 telah mempercepatkan pertumbuhan ekonomi digital, sumbangan transaksi atas talian di Malaysia dianggarkan berjumlah hanya tujuh peratus daripada jumlah jualan runcit negara pada tahun 2020.

"Jumlah ini dianggap kecil apabila dibandingkan dengan peratus anggaran antarabangsa iaitu 16 peratus, manakala negara seperti China hampir mencecah 40 peratus. Kami perhatikan digitalisasi bagi sektor runcit masih berada di tahap awal tetapi kami bertekad dalam merealisasikan potensi ekonomi Malaysia dengan infrastruktur yang kukuh dan persekitaran perniagaan yang kondusif," katanya.



Barang keperluan cukup sepanjang tempoh PKP

PUTRAJAYA: Kementerian Perdagangan Dalam Negeri dan Hal Ehwal Pengguna (KPDNHEP) tidak mengesan sebarang situasi gangguan bekalan barang keperluan utama di peringkat pengeluar dan pengilang setakat ini.

Pengarah Penguat Kuasa kementerian, Azman Adam berkata, untuk itu, bekalan barang keperluan pengguna dijamin mencukupi sepanjang tempoh pelaksanaan Perintah Kawalan Pergerakan (PKP) 3.0 yang berkuat kuasa ketika ini.

Katanya, kementerian juga sentiasa membuat pemeriksaan harian di seluruh negara bagi memastikan kecukupan bekalan terutama dalam tempoh PKP.

"Sebanyak 895,642 jumlah pemeriksaan premis dijalankan di seluruh negara sejak PKP 1.0 tahun lalu.

"Pegawai-pegawai penguat kuasa juga membuat pemantauan harian terhadap 2,711 peruncit, 1,039 pemborong dan 233 pengilang atau pengeluar terpilih daerah," katanya dalam satu kenyataan di sini semalam.

Sementara itu Azman berkata, sebarang perubahan tingkah laku pengguna seperti membuat pembelian yang banyak dan tergesa-gesa akan menyebabkan gangguan terutama untuk rantai bekalan setempat.

Katanya, keadaan itu secara tidak langsung mencetuskan situasi panik dalam kalangan pengguna sedangkan ia bukan disebabkan oleh masalah bekalan.

"Sehubungan itu, KPDNHEP ingin menasihati pengguna supaya membuat pembelian secara biasa dan dalam kuantiti yang perlu sahaja.

"Semua pihak termasuk pengguna dan peniaga perlu memainkan peranan masing-masing supaya dapat mengharungi pandemik ini dalam suasana yang terkawal," jelasnya.

Beli dalam kuantiti perlu sahaja, elak situasi panik

Pemantauan KPDNHEP dapati bekalan barang keperluan utama mencukupi

Oleh Rafidah Mat Ruzki,
Muhammad Zulsyamini
Sufian Suri dan
Nurul Fatimah Sulaini
bhnews@bh.com.my

Putrajaya: Rakyat dinasihatkan membuat pembelian seperti biasa dan dalam kuantiti yang perlu sahaja bagi mengelak situasi panik dalam kalangan pengguna.

Pengarah Penguat Kuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam, berkata pemantauan pihaknya ketika ini mendapati bekalan barang keperluan utama adalah mencukupi dan tiada situasi gangguan bekalan di peringkat pengeluar serta pengilang.

Dalam satu kenyataan semalam, beliau memaklumkan, pihaknya turut melakukan pemantauan harian terhadap peringkat runcit, borong dan pengilang atau pengeluar di daerah yang membabitkan 2,711 peruncit, 1,039 pemborong dan 233 pengilang atau pengeluar.

"Sehubungan itu, KPDNHEP menasihatkan pengguna supaya membuat pembelian secara biasa dan dalam kuantiti yang perlu sahaja. Sebarang perubahan tingkah laku pengguna seperti membuat pembelian yang banyak dan tergesa-gesa akan menyebabkan gangguan, terutama untuk rantaian bekalan setempat.

"Ia akan mencetuskan situasi panik dalam kalangan pengguna, sedangkan bukan disebabkan masalah bekalan,"



Orang ramai beratur untuk membeli barang keperluan di sebuah pasar raya di Ipoh, semalam.

(Foto BERNAMA)

katanya sambil menambah, pihaknya sentiasa membuat pemeriksaan harian di seluruh negara bagi memastikan bekalan mencukupi, terutama dalam tempoh pelaksanaan Perintah Kawalan Pergerakan (PKP).

Di Ipoh, Pengarah KPDNHEP Perak, Saifullizan Kamarul Zaman, dalam satu kenyataan semalam, berkata bekalan barang keperluan asas untuk empat mukim di negeri itu yang dikenakan PKP Diperketatkan (PKPD) adalah mencukupi.

Mengakui wujud pembelian panik dalam kalangan penduduk kawasan terbabit sejak kelmarin, beliau berkata, bekalan juga mudah diperolehi di seluruh Perak, termasuk di kawasan yang tidak dikenakan perintah berkenaan.

"Bekalan di peringkat pemborong, pengilang dan peruncit mencukupi, stabil dan berupaya menampung permintaan semasa. Berhubung pembelian panik sejak semalam (kelmarin) di premis runcit, adalah dimaklumkan semua pasar awam, pasar raya dan premis runcit dibuka dan beroperasi mengikut waktu ditetapkan kerajaan.

"Bagaimanapun, KPDNHEP

menggalakkan peniaga, pengusaha pasar raya dan peruncit supaya melakukan kawalan sendiri dengan menentukan had jualan barangan bersesuaian bagi individu atau keluarga dalam memastikan bekalan sentiasa mencukupi," katanya.

Empat mukim dikenakan PKPD di Perak bermula hari ini hingga 4 Jun depan adalah Mukim Pengkalan Hulu di daerah Hulu Perak; Mukim Taiping di daerah Larut, Matang dan Selama; Mukim Hulu Kinta meliputi Ipoh, Lahat, Chemor dan Tanjung Rambutan di daerah Kinta serta Mukim Hulu Bernam Timur di daerah Muallim.

Di Jertih, orang ramai menyerbu pasar raya sekitar bandar ini sejak petang kelmarin selepas pengumuman pelaksanaan PKPD di 15 mukim di Besut selama 14 hari bermula hari ini.

Mukim terbabit adalah Kampung Raja, Keluang, Lubuk Kawah, Bukit Kenak, Pelagat, Jabi, Tembila, Kerandang, Bukit Puteri, Pengkalan Nangka, Kuala Besut, Pasir Akar, Kubang Bemban, Tenang dan Hulu Besut.

Tinjauan semalam mendapati orang ramai beratur panjang seawal jam 8 pagi untuk masuk

ke dua pasar raya utama di bandar itu selepas sebuah lagi pasar raya diarah tutup untuk proses sanitasi.

Pengunjung, Nur Faeiza Nasir, 32, berkata dia keluar rumah jam 7.30 pagi untuk membeli barang keperluan harian di sebuah pasar raya yang menggunakan sistem giliran bernombor bagi mengelakkan kesesakan di dalam premis berkenaan.

Bagi Syaiful Azman Baharom, 37, dia sudah merancang membeli barang keperluan malam kelmarin, tetapi membatalkan hasrat itu disebabkan terlalu ramai orang beratur menunggu giliran untuk membeli-belah di pasar raya yang dikunjungi.

"Saya keluar semula ke Jertih pagi ini (semalam), tetapi situasi tetap sama. Ramai keluar membeli barangan keperluan harian," katanya.

Siti Rozilah And Kadir, 40, berkata dia juga terpaksa beratur panjang sebelum dibenarkan masuk ke pasar raya dan membeli bekalan barangan keperluan harian untuk tempoh dua minggu kerana risau kedai runcit berhampiran rumah tidak dibenarkan beroperasi sepanjang tempoh PKPD.



KPDNHEP beri jaminan tiada gangguan bekalan barang – CAMBAR HIASAN

Tiada gangguan bekalan barang – KPDNHEP

PUTRAJAYA – Kementerian Perdagangan Dalam Negeri dan Hal Ehwal Pengguna (KPDNHEP) tidak mengesan sebarang situasi gangguan bekalan barang keperluan utama di peringkat penge-luar dan pengilang setakat ini.

Pengarah Penguat Kuasa KPD-NHEP, Azman Adam berkata, un-tuk itu, bekalan barang keperluan pengguna dijamin mencukupi sepanjang tempoh Pelaksanaan Kawalan Pergerakan (PKP) 3.0 yang berkuat kuasa ketika ini.

Menurutnya, kementerian juga sentiasa membuat pemerik-saan harian di seluruh negara bagi memastikan bekalan men-cukupi terutama dalam tempoh PKP.

"Mengikut rekod, sebanyak 895,642 jumlah pemeriksaan premis telah dijalankan di selu-ruh negara sejak PKP 1.0 tahun lalu.

"Pegawai-pegawai penguat kuasa juga membuat peman-tauan harian terhadap 2,711 peruncit terpilih daerah, 1,039 pemborong terpilih daerah dan 233 pengilang atau pengeluar ter-pilih daerah," katanya dalam satu kenyataan di sini semalam.

Sementara itu, Azman berka-ta, sebarang perubahan tingkah laku pengguna seperti membuat pembelian yang banyak dan tergesa-gesa akan menyebabkan gangguan terutama untuk ranta-ian bekalan setempat.

Katanya, keadaan itu secara tidak langsung akan mencetus-kan situasi panik dalam kalangan pengguna sedangkan ia bukan di-sebabkan oleh masalah bekalan.

"Sehubungan itu, KPDNHEP ingin menasihati pengguna su-paya membuat pembelian secara biasa dan dalam kuantiti yang perlu sahaja," jelasnya.

KPDNHEP jamin bekalan barang keperluan cukup sepanjang PKP

PUTRAJAYA - Kementerian Perdagangan Dalam Negeri dan Hal Ehwal Pengguna (KPDNHEP) memberi jaminan bekalan barang keperluan pengguna adalah mencukupi sepanjang pelaksanaan Perintah Kawalan Pergerakan (PKP) terkini atau PKP 3.0.

Pengarah Penguat kuasa KPDNHEP, Azman Adam berkata, berdasarkan pemantauan yang dijalankan pegawai-pegawai Bahagian Penguat kuasa, bekalan barang keperluan utama adalah mencukupi.

"Schubungan itu, KPDNHEP ingin

menasihati pengguna supaya membuat pembelian secara biasa dan dalam kuantiti yang perlu sahaja.

"Sebarang perubahan tingkah laku pengguna seperti membuat pembelian banyak dan tergesa-gesa akan menyebabkan gangguan terutama untuk rantai bekalan setempat yang mencetuskan situasi panik dalam kalangan pengguna sedangkan ia bukan disebabkan masalah bekalan," katanya dalam kenyataan pada Jumaat.

Pada 10 Mei lepas, Perdana Menteri Tan Sri Muhyiddin Yassin mengumum-

kan pelaksanaan PKP di seluruh negara bermula 12 Mei sehingga 7 Jun.

Azman berkata, KPDNHEP sentiasa membuat pemeriksaan harian di seluruh negara bagi memastikan kecukupan bekalan terutama dalam tempoh PKP.

Menurutnya, pegawai penguat kuasa juga membuat pemantauan harian terhadap 2,711 peruncit terpilih daerah, 1,039 pemborong terpilih daerah dan 233 pengilang atau pengeluar terpilih daerah.

"Sehingga kini tiada situasi gangguan bekalan di peringkat pengeluar dan pengilang dikesan," katanya. - *Bernama*

Ministry: We have enough, so no need to hoard

PETALING JAYA: Consumers must avoid panic buying essential items as there is sufficient and continuous supply of such items to last the country throughout the current movement control order, says the Domestic Trade and Consumer Affairs Ministry.

The ministry's enforcement director Azman Adam said it conducted monitoring of suppliers, wholesalers and retailers to ensure there would be enough supply for consumers throughout MCO 3.0.

He added that hoarding by consumers would lead to a supply disruption.

"The ministry conducts daily checks nationwide to ensure there is enough supply, especially for the MCO 3.0 period," he said in a statement yesterday.

"We advise consumers to make their daily purchases in the needed quantity only.

"Any change to consumer behaviour, such as 'hoard-buying' will lead to a disruption in local supply, which will then create panic among other consumers," he said.

Meanwhile, Johor Consumers Movement Association chairman Md Salleh Sadijo welcomed the ministry's move to constantly monitor the supply chain.

"This gives confidence to consumers about the adequate supply of essential items even with Malaysia under MCO.

"Consumers, however, should be smart by buying only what they need, instead of buying in huge quantity," he said.

Md Salleh also reminded retailers, suppliers and wholesalers not to exploit consumers by increasing prices indiscriminately.



Barang keperluan mencukupi

Orang ramai serbu pasar raya susulan pelaksanaan PKPD di Mukim Hulu Kinta bermula 22 Mei

Oleh SAIFULLAH AHMAD

IPOH

Beberapa pasar raya di sekitar Ipoh diserbu orang ramai menjelang pelaksanaan Perintah Kawalan Pergerakan Diperketatkan (PKPD) bagi Mukim Hulu Kinta bermula 22 Mei ini.

Tinjauan *Sinar Harian* sejak petang Khamis mendapati orang ramai beratur panjang di pasar raya di sekitar Ipoh untuk mendapatkan bekalan keperluan.

Malah hasil tinjauan pada pagi Jumaat di Pusat Bandar Ipoh, Bandar Meru Raya, Klebang, Jelapang dan Silibin mendapati orang ramai sanggup beratur menunggu giliran sehingga ke luar pasar raya untuk mendapatkan barangan keperluan.

Kementerian Perdagangan Dalam Negeri dan Hal Ehwal Pengguna (KPDNHEP) Perak dalam satu kenyataan menasihati orang ramai supaya merancang pembelian barangan berdasarkan keperluan sebenar.

Pengarah KPDNHEP Perak, Saifullizan Kamarul Zaman ber-



Orang ramai beratur panjang menunggu giliran untuk masuk ke sebuah pasar raya di Bandar Meru Raya, Ipoh pada malam Khamis untuk membeli barangan keperluan menjelang pelaksanaan PKPD yang akan bermula pada Sabtu.

PKPD DI MUKIM HULU KINTA

kata, semua pasar awam, pasar raya dan premis peruncitan masih dibuka dan beroperasi mengikut waktu yang ditetapkan oleh pihak kerajaan sepanjang tempoh PKPD.

Menurutnya, pihak KPDNHEP menggalakkan pihak peniaga, pasar raya dan peruncit supaya melakukan kawalan sendiri dengan menentukan had kuantiti dan jualan barangan yang bersesuaian bagi individu atau keluarga dalam memastikan bekalan barangan keperluan asas pengguna sentiasa mencukupi.

“Berdasarkan pemantauan dan pemeriksaan, KPDNHEP memberi jaminan bekalan barang keperluan asas sepanjang tempoh PKPD dan Perintah Kawalan Pergerakan (PKP) adalah mencukupi dan mudah diperoleh.

“Bekalan barangan di peringkat pemborong, pengilang dan peruncit adalah mencukupi, stabil dan berupaya menampung permintaan semasa,” katanya dalam satu kenyataan pada Jumaat.

Sementara itu, beliau berkata, penguat kuasa KPDNHEP sentiasa menjalankan pemantauan dan pemeriksaan secara harian di premis-premis perniagaan meliputi peruncit, pemborong dan pengilang termasuk premis terbuka dan premis tetap seperti pasar awam, pasar raya, restoran, gerai makan, medan selera, trak makanan, stesen minyak, farmasi, bengkel dan lain-lain di seluruh Perak.

Katanya, tindakan itu dibuat bagi memastikan bekalan barangan keperluan harian mencukupi dan peniaga mematuhi peraturan-peraturan yang ditetapkan.

Jamin keperluan asas cukup di 4 mukim PKPD

Ipoh: Kementerian Perdagangan Dalam Negeri dan Hal Ehwal Koperasi (KPD-NHEP) Perak memberi jaminan bekalan barang keperluan asas bagi empat mukim di Perak yang dikenakan Perintah Kawalan Pergerakan Diperketatkan (PKPD) mencukupi walaupun berlaku pembelian panik.

Pengarahnya, Saifullizan Kamarul Zaman berkata, bekalan barangan juga mudah diperolehi di seluruh negeri Perak termasuk kawasan selain yang dikenakan Perintah Kawalan Pergerakan (PKP) fasa 3.0.

"Bekalan barangan di peringkat pemborong, pengilang dan peruncit adalah mencukupi, stabil dan

berupaya menampung permintaan semasa.

"Berhubung situasi pembelian panik yang mula berlaku sejak semalam (20 Mei), pengguna tidak perlu risau kerana semua pasar awam, pasar raya dan premis peruncitan masih dibuka dan beroperasi mengikut waktu yang ditetapkan kerajaan.

"Bagaimanapun KPD-NHEP menggalakkan pihak peniaga, pasar raya dan peruncit supaya melakukan kawalan sendiri dengan menentukan had kuantiti dan jualan barangan yang bersesuaian bagi individu atau keluarga dalam memastikan bekalan sentiasa mencukupi," katanya.

Oleh Mohd Jamilul
Anbia Md Denin
anbia@hmetro.com.my

Putrajaya

TAK ORI RUPANYA...

KPDNHEP gempur kegiatan lelaki jual barang sukan berjenama ciplak di laman beli-belah dalam talian

Indah khabar dari rupa. Itu perasaan kecewa dirasakan ramai pelanggan laman beli-belah dalam talian apabila produk yang didakwa tulen buatan Eropah sebaliknya adalah 'produk cap ayam'.

Itu antara kegiatan seorang lelaki yang dikesan aktif menjual kasut sukan dan kasut bola jenama terkemuka melalui laman beli-belah terkenal menggunakan gambar produk tulen untuk meyakinkan mangsa.

Malah, suspek sengaja menjual produk tiruan itu menyamai harga produk tulen iaitu antara RM180 hingga RM250 sepasang sebelum pelanggan menyedari produk dibeli adalah palsu buatan China.

tan China.

Kegiatan lelaki tempatan berusia 28 tahun itu bagaimanapun dibongkar sepasukan lapan anggota penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan hasil serbuan di sebuah rumah di Bandar Baru Nilai, Negeri Sembilan, kelmarin.

Pengarah KPDNHEP Negeri Sembilan, Ain Arjuna Aziz Zaman berkata,

serbuan dilakukan di premis yang dijadikan sebagai stor penyimpanan barang tiruan untuk tujuan perdagangan.

Menurutnya, tindakan itu adalah hasil pemantauan dan risikan selama seminggu yang dilakukan pihak KPDNHEP Negeri Sembilan dan pihak pengadu bagi cap dagang berkenaan.

"Semasa pemeriksaan dijalankan, kami mendapati premis itu dimiliki seorang lelaki

warga tempatan berumur 28 tahun yang juga pemilik perniagaan yang berdaftar berdasarkan rekod pendaftaran perniagaan.

"Pemeriksaan lanjut di premis itu menemui sebanyak 8,361 unit barangan membabitkan pakaian dan beberapa kasut sukan dengan pelbagai jenama yang disyaki adalah tiruan dengan anggaran nilai rampasan sebanyak RM 456,560.00," katanya.

Menurutnya, semua barangan berkenaan disita me-

ngikut Seksyen 102 (1) (c) Akta Cap Dagangan 2019 bagi tujuan siasatan lanjut.

"Siasatan awal dijalankan mendapati suspek bergiat aktif sejak dua tahun lalu. Barangan itu dipercayai diperolehi daripada luar negara dan dijual kepada pelanggan melalui platform perniagaan atas talian untuk pasaran di dalam negara.

"Berdasarkan rekod bagi tahun 2021 termasuk tindakan kes ini, KPDNHEP Ne-



ANTARA iklan menggunakan gambar produk tulen yang digunakan untuk memperdaya pelanggan.

geri Sembilan sudah mengambil tindakan sebanyak 10 kes di bawah Akta Cap Dagangan 2019 dengan jumlah nilai rampasan sebanyak RM 519.18," katanya.

“Siasatan awal dijalankan mendapati suspek bergiat aktif sejak dua tahun lalu”
Ain Arjuna



STOR barangan sukan berjenama bernilai hampir RM500,000 yang diserbu ketmarin.

益明线业
YM THREAD
福建益明纺织有限公司

HARI : SABTU

TARIKH : 22/5/2021

M/SURAT : 16

Senarai Harga Barang Keperluan	
• Ayam	RM5.99
• Daging Lembu Tempatan	RM34
• Daging Lembu Import	RM24
• Telur Gred A	RM10.00
• Ikan Kembung	RM8.90
• Minyak Masak	RM5.90
• Gula Pasir	RM1.99
• Bawang Besar Holland	RM2.69
• Bawang Putih	RM4.89
• Cili Merah	RM3.90
• Kubis Bulat Tempatan	RM1.95
• Tepung Gandum	RM2.09

*Harga (RM/kg) Sumber: KPDNHEP